

廣德州志卷之三 附建平縣

星野 附異附

先王上應星次下奠山河列宿分曜九州攸敘保章氏之所掌可考也吳斗分星紀十二辰之首自廬江九江臨淮廣陵丹陽會稽豫章彭蠡閩海蒼梧嶺表韶陵珠厓胥屬星紀之分茫茫天漢廣德不啻黑子然要皆斗分也天人一致仰觀俯察補救資焉志星野

後漢天文志玉衡第六星主揚州常以五巳日候之

廣德州志

卷之三

星野

辛巳為丹陽

晉天文志斗牽牛須女吳越揚州丹陽入斗十六度隋地理志揚州於禹貢為淮海之地在天官南斗十二度至須女七度為星紀於辰為丑吳越得其分唐天文志斗牽牛星紀也初南斗九度中南斗二十四度終女四度占吳越郡在雲漢下流當淮海間為吳分

宋天文志石申日魁星第一主吳二會稽三丹陽明分野清類書廣德斗分

皇清置州仍明代星埜無變易廣德州斗分十六度  
州於漢時屬州陽東晉雖徙置建康諸史分野從其  
始今之丹陽漢時吳郡之會稽也分別觀之斗爲  
星紀蓋以日月五星起于斗古之言天者自斗牛  
紀星故曰星紀爲十二次之首  
有辯星紀之非吳越者曰吳越南星紀北然以曆  
家仰儀之理推之則星紀在北而光燭于南其以  
吳越當之從星紀之所燭也

建平縣星野同

廣德州志

卷之三

星野

二

祥異 附

宋

淳熙七年民大饑

明

永樂十八年庚子旱

弘治五年壬子迅雷擊祠宇公署獸脊

弘治十四年辛酉六月水溢州城

弘治十八年乙丑秋九月地震

正德二年丁卯妖魔晝見

正德三年戊辰大旱子粒無收民食草根

正德四年春民飢相食死者萬計遺骸載道秋洪水灌城冬冰堅地折禽獸草木皆死

正德十五年庚辰譙樓鍾不扣自鳴者數日知州江暉命杖之乃止

嘉靖四年巳酉春三月殞霜殺草秋八月蒙害稼嘉靖五年丙戌霪雨害稼

嘉靖六年丁亥秋七月雨雹大如拳禾稼及鳥獸觸者死

廣德州志

卷之三

祥異

三

嘉靖八年六月蝗飛蔽日不害稼廣德有蝗自此始

嘉靖九年三月建平妖人虞順惑眾數月就擒

嘉靖十二年癸巳冬十一月花紅滿樹

嘉靖十四年乙未夏秋無雨九月蝗

嘉靖十五年戊申春三月蝗食麥兼害禾秧知州朱麟示民捕蝗一石給穀二石後竟連霧霾遂滅不害

萬曆十七年譙樓災

萬曆二十五年祠山近斗樓災

萬曆四十八年地震

天啓三年甲子祠山殿災

天啓四年七月地大震

崇禎十二年旱蝗不爲災

崇禎十四年大旱蝗災斗米千錢遺骸載道

崇禎十七年州西災延燒數十間是年除夕州前  
塞門無故夜崩明年正月朔開印鎖固不可啓破  
篋出之春李生一子大如瓜

廣德州志

卷之二

祥異

四

萬曆二十一年四月佑聖閣災

建平縣

祥異

宋

大觀元年四月二日甘露降於縣凡十有二日  
紹定元年四月八日瑞麥生於野一莖四穗

明

成化間縣南四十里居民王氏庄前有楓樹初生  
二尺許卽岐而爲兩榦又二尺許復合而爲一因  
名其地曰鴛鴦楓至嘉靖末年其家伐而爲薪根

廣德州志

卷之三

祥異

五

抽一葉其分合復如前云

嘉靖七年四月有鸚鵡集於樹

嘉靖八年六月飛蝗蔽天

嘉靖間夏村生連理樹十年後有貞女夏氏

萬曆十五年春靈雨不絕水浸民居斗米值二錢

十六十七年連歲大旱

萬曆三十六年大水

萬曆四十五年大旱

天啓三年冬地震

天啓四年大水

天啓五年大火自吳家巷起至雙井止延燒居民千餘家

崇禎五年冬雨木冰

崇禎七年六月儒學前擊斃瓦雀萬餘頭

崇禎十一年大旱蝗

國朝

順治十一年四月東郊外麥一莖兩穗

廣德州志

卷之三

祥異

六

廣德州志卷之三終